

ერთის მხრივ, აჭარის ა.რ. მთავრობის საქვეუწყებო დაწესებულება საარქივო სამმართველო მისი უფროსის მაია ივანიშვილის სახით (შემდგომში „შემსყიდველი“) და მეორეს მხრივ სახით (შემდგომში მიმწოდებელი), გამარტივებული ელექტრონული ტენდერის(სატენდერო განცხადება NSPA....) ჩატარების შედეგად ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

1.1 პრეტენდენტმა უნდა უზრუნველყოს უსაფრთხოებასთან დაკავშირებული მომსახურება დაცვითი-საგანგაშო პულტით. შემსყიდველის ხელთ არსებული ტექნიკური საშუალებებით უზრუნველყოს დაცვის ცენტრალურ პულტთან დაკავშირება და აიყვანოს ობიექტები დაცვაზე, რომლის საშუალებით ობიექტის ხელმძღვანელობის მინიმუმ სამი წევრი მობილურ ტელეფონებზე მიიღებს SMS შეტყობინებებს ობიექტის დაცვაზე აყვანა/ჩაბარების და მოხსნის შესახებ (კლასიფიკატორის კატეგორია CPV 79713000).

1.2 ხელშეკრულების საერთო ღირებულება შეადგენს _____ ლარს (დანართი N1 შესაბამისად).

2 ხელშეკრულების შესრულების კონტროლი

2.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

2.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან შესაბამისდ განახორციელებს აჭარის არ მთავრობის საქვეუწყებო დაწესებულება საარქივო სამმართველოს თანამშრომლები:

- ა) საარქივო სამმართველო-საარქივო სამმართველოს ცენტრალური აპარატის უფროსი.
- ბ) ქობულეთის არქივი-ქობულეთის არქივის უფროსი.
- გ) ხელვაჩაურის არქივი-ხელვაჩაურის არქივის უფროსი.
- დ) ქედის არქივი-ქედის არქივის უფროსი.
- ე) შუახევის არქივი-შუახევის არქივის უფროსი.
- ვ) ხულოს არქივი-ხულოს არქივის უფროსი.

3. შესყიდვის ობიექტის მიწოდების ვადები, პირობები და ადგილი

3.1. შემსრულებელმა უნდა უზრუნველყოს უსაფრთხოებასთან დაკავშირებული მომსახურება დაცვითი-საგანგაშო პულტით აჭარის ა.რ. მთავრობის საქვეუწყებო დაწესებულება საარქივო სამმართველოს, ტერიტორიული ორგანოების ქობულეთის, ხელვაჩაურის, ქედის, შუახევისა და ხულოს არქივების ადმინისტრაციულ შენობებში.

3.2. აჭარის ა/რ მთავრობის საქვეუწყებო დაწესებულება საარქივო სამმართველოსა და მისი ტერიტორიული ორგანოების შენობების დაცვა უნდა განხორციელდეს ავტო-დამრეკის მეშვეობით, რომელიც წარმოადგენს შემსყიდველის საკუთრებას და დამონტაჟებულია შესაბამის ობიექტებზე.

3.3. ცენტრალიზებულ დაცვის პულტზე განგაშის მიღებიდან „მიმწოდებელი“ ვალდებულია:

3.3.1. მყისიერად, არაუგვიანეს 5 (ხუთი) წუთისა მოახდინოს ობიექტზე გამოცხადება და უზრუნველყოს დანაშაულისა და სხვა სამართალ დარღვევის აღკვეთა-აცილების მიზნით კანონით გათვალისწინებული მოქმედებების განხორციელება;

3.3.2. ტექნიკური გაუმართაობის შემთხვევაში, როდესაც ვერ ხერხდება შენობა ნაგებობების სიგნალიზაციაზე აყვანა (ან სიგნალიზაციიდან მოხსნა) არაუგვიანეს 15 წუთისა გამოცხადდეს ობიექტზე და უზრუნველყოს გაუმართაობის აღმოფხვრა;

3.3.3. დაცულ ობიექტზე მიყენებული ზარალის აღმოჩენის შემთხვევაში დაუყონებლივ აცნობოს შემსყიდველს და უზრუნველყოს შსს შესაბამისი ორგანოების გამოძახება, ხოლო მათ მოსვლამდე შემთხვევის ადგილის ხელშეუხებლობა;

3.3.4. შემსყიდველისათვის ფაქტური ზარალის ანაზრაურება მოახდინოს ერთობლივი კომისიის დასკვნის ან სასამართლოს მიერ ძალასი შესული გადაწყვეტილების საფუძველზე;

3.3.5. პრეტენდენტს უნდა შეეძლოს განგაშის სიგნალის გარჩევა სახანძრო და მოძრაობის სიგნალებისაგან შენობის სართულების მიხედვით, რომლის შესახებაც დაუყონებლივ მიაწოდოს შესაბამისი ინფორმაცია შემსყიდველს.

3.4. აღნიშნული სამუშაოების შეასრულების ადგილია:

- ქ. ბათუმი, ვ. გორგასალის ქ. N126
- ქ. ქობულეთი, აბაშიძის ქ. N10
- ქ. ბათუმი, ფრიდონ ხალვაშის ქ. N366;
- დაბა ქედა, ჭავჭავაძის ქ. N1
- დაბა შუახევი, რუსთაველის ქ. N21

- დაბა ხულო, თამარის ქ. N12

3.5. მომსახურება უნდა განხორციელდეს 2019 წლის 1 იანვრიდან 2019 წლის 31 დეკემბრის ჩათვლით.

4 ანგარიშსწორება

4.1 ანგარიშსწორების ფორმა – უნაღდო.

4.2. ანგარიშსწორება განხორციელდება ყოველთვიურად, თითოეულ ობიექტზე ფაქტიურად სრულად შესრულებული სამუშაოების შესაბამისად ანგარიშ-ფაქტურის გაფორმებიდან არაუგვიანეს 10 სამუშაო დღის განმავლობაში.

4.3 მიმწოდებელთან ანგარიშსწორება ხორციელდება ლარებში.

5 ფასები

5.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

5.2 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

5.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

5.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

6 ხელშეკრულებაში ცვლილებების შეტანა

6.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

6.2 თუ რაიმე წინასწარ გათვალისწინებულის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

6.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

6.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7 უფლებების გადაცემა

7.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

8 სუბკონტრაქტორები

8.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

8.2 ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.

8.3 ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

9 ხელშეკრულების პირობების შეუსრულებლობა

9.1 თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.

9.2 ხელშეკრულებით გათვალისწინებული პირობების არაჯეროვანი შესრულებისათვის (მათ შორის ვალდებულების შესრულების ვადაგადაცილების დროს), მიმწოდებელს დაეკისრება პირგასამტეხლოს გადახდა შესასრულებელი ვალდებულებების შესაბამისი ღირებულების 0.02 %-ის ოდენობით ყოველ ვადაგადაცილებულ დღეზე.

9.3 ხელშეკრულებით გათვალისწინებული პირობების შეუსრულებლობისათვის, მიმწოდებელს დაეკისრება პირგასამტეხლოს გადახდა ხელშეკრულების ღირებულების 20 %-ის ოდენობით.

9.4 ხელშეკრულებით გათვალისწინებული პირობების ნაწილობრივ შესრულების შემთხვევაში, მიმწოდებელს დაეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10 %-ის ოდენობით.

9.5 იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, შემსყიდველს უფლება აქვს ვადამდე შეწყვიტოს ხელშეკრულების მოქმედება. ასევე უფლება აქვს შემსყიდველს ვადამდე შეწყვიტოს ხელშეკრულების მოქმედება ამავე მუხლის 10.3. და 10.4. პუნქტებით გათვალისწინებულ შემთხვევებში.

10 ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11 სადაო საკითხების გადაწყვეტა

11.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

12 გამოყენებული სამართალი

12.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13 ხელშეკრულების ენა

13.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

14 გადასახადები და დაზღვევა

14.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

14.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

15 ხელშეკრულების მოქმედების ვადა

15.1 წინამდებარე ხელშეკრულება ძალაშია ხელის მოწერის დღიდან და მოქმედებს 2020 წლის 31 იანვრის ჩათვლით.

16 სხვა პირობები

16.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2 მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

16.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებლს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17 მხარეთა იურიდიული მისამართები და რეკვიზიტები

„შემსყიდველი“	„მიმწოდებელი“
აჭარის ავტონომიური რესპუბლიკის საარქივო სამმართველო	
საიდენტიფიკაციო კოდი - 245429610	საიდენტიფიკაციო კოდი -
მისამართი: ქ. ბათუმი, ვ. გორგასალის ქუჩა N126	მისამართი:
ტელ: (+995) (222) 7-92-01	ტელ:
საბანკო რეკვიზიტები:	საბანკო რეკვიზიტები:
ს.ს. „თიბისი ბანკი“	
ბანკის კოდი – TBCBGE22	
№ GE62TB7901736010100015	
სამმართველოს უფროსი:	
_____ /მ. ივანიშვილი/ ბ. ა.	

დაცვითი-საგანგაშო პულტით უსაფრთხოებასთან დაკავშირებული მომსახურება
ფასების ცხრილი

№	დასახელება	მისამართი	შესყიდვის აღწერილობა	მიწოდების ვადა	მომსახუ- რების ტარიფი თვეში	მომსახუ- რების ტარიფი სულ
1.	აჭარის ა.რ. მთავრობის საქვეუწყებო დაწესებულება - საარქივო სამმართველო	ქ. ბათუმი ვ. გორგასალის №126	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
2.	ტერიტორიული ორგანო - ხულოს არქივი	დაბა ხული თამარის ქ. №12	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
3.	ტერიტორიული ორგანო - შუახევის არქივი	დაბა შუახევი რუსთაველის ქ. №21	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
4.	ტერიტორიული ორგანო - ქედის არქივი	დაბა ქედა ჭავჭავაძის ქ. №1	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
5.	ტერიტორიული ორგანო - ხელვაჩაურის არქივი	ქ. ბათუმი. ფრიდონ ხალვაშის ქ. N366	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
6.	ტერიტორიული ორგანო - ქობულეთის არქივი	ქ.ქობულეთი, აბაშიძის ქ. N10	შენობა-ნაგებობების დაცვით-საგანგაშო პულტით მომსახურება	2019 წლის 01.01-დან 2019 წლის 31.12-ის ჩათვლით		
სულ:						

„შემსყიდველი“	„მიმწოდებელი“
აჭარის ავტონომიური რესპუბლიკის საარქივო სამმართველო	
საიდენტიფიკაციო კოდი - 245429610	საიდენტიფიკაციო კოდი -
მისამართი: ქ. ბათუმი, ვ.გორგასალის ქუჩა N126	მისამართი:
სამმართველოს უფროსი:	
_____ /მ.ივანიშვილი/ ბ. ა.	